

2013 nienz 4 nyied 23 hauh, ngoenz neix gou ceiq angq, aenvih ngoenz neix ndawde, gou ginglig le haujlai baez “baez daih’ it”: Baez daih’ it bae cunhyouz, baez daih’ it naengh dungceh, baez daih’ it youq yienhciegz yawj mohsuz biujyenj, baez daih’ it yawj hangzmoz biujyenj, baez daih’ it youz byafeiz gungh-yenz……Mboujgvaq sawj gou ceiq nanz lumz lij dwg gwn ring.

Yaek bae seiz, dou couh dingqnyl lauxsae naeuz, baez cunhyouz neix yaek daengxcungq bae henz haij gwn ring. Dou angq lai lo, cungj muengh vaiqdi daengz dieg. Youq gwnz loh, boux bakgvij okmingz ban dou Fangh Ginghbinj itcig “fwedgaeq, fwedgaeq, fwedgaeq” damz mbouj dingz. Gangj caen, dingq dwk gou gyaeuj cungj yaek ngunh lo! Gangj daengz fwedgaeq, byawz mbouj maij gwn ne? Dwg lwi? Hoeng dou ngamq hwnj ci, liz henz haij lij miz bak lai goengleix gyae, baenzlawz doq ndaej gwn ne! Hoeng Fangh Ginghbinj itcig damz, haih daengz caezgya cungj myaiz rih liux.

Lij ndei, dungceh hai caen vaiq, ngamq aen lai cungdaeuj couh daengz henz haij lo. Gyoengqdou cungj angq hemq hwnjdaeuj: “Sadan, dou daeuj lo!” Hoeng lauxsae lumj mbouj rox gij simsaeh dou, mbouj sikhaek daiq dou bae gwn ring, dauq dwg sien anbaiz dou bae ngonz cazgi caeuq mohsuz biujyenj. Gangj caen, cezmuuz gig cingcaij, dou cungj yawj



haeujmaez lo, mboujgvaq yawj dwk yawj dwk, ndaw sim gou lij seiz mbouj seiz naemj: “Seizlawz ndaej gwn ring ne?”

Gig mbouj yungzheih ngaiz daengz banringz cib’ it diemj cung, yawj biujyenj sat le, lauxsae daiq dou bae gwn ring lo. Caen ndei! Laxlawz daujouz caeux couh bang dou baij congz ndei lo, lij coemh danq deq dou. Dou faen nienzgaep moix cib boux naengh aen congzrin he, va! Sikhaek couh ndaej gwn ring lo! Fangh Ginghbinj baez naengh roengzdaeuj couh ra fwedgaeq: “Fwedgaeq ne? Fwedgaeq youq gyawz?” Mwh de hemqgva’ gva seiz, Ciz lauxsae riuj daeh fwedgaeq he, daeh saejnoh he daengj daengj doengh gij doxgaiq yaek ring neix byaij gvaqdaeuj: “Gyoengq lwgnyez, fwedgaeq daeuj lo.” Ciz lauxsae bae gyawz rox, de youq gyae-gyae dou couh yawjraen de lo, dou itcig yawj de byaij daeuj, gaenbonj mbouj yungh daezsingj, hwnjdangz

cungj mbouj baenz nyinhcaen ne.

Ciz lauxsae dawz cib gaiq fwedgaeq hwnj faj dietmuengx gwnz feiz bae, cat di diuzliuh caeuq youz, mbouj geijlai nanz, dou couh raen rangfwdfwd lo. Caezgya cungj cim-yawj, lwgda doengh cungj mbouj doengh, myaiz cungj yaek lae baenz diuz dah he lo. Miz di naeuz: “Va, caen rang!” Miz di naeuz: “Haengjdingh cibfaen ndeigwn!” Fangh Ginghbinj caekhaex naengh daengq mbouj onj, fwngz yaeb neix yaeb de, mbouj dingz dwk coi lauxsae: “Lauxsae, ndaej caengz? Lauxsae, cug caengz? Baenzlawz lij caengz cug ha, wnggai baenz loba?” Ciz lauxsae di he hix mbouj gip, fonj bae fonj dauq ring dwk, caemhcaiq lij hen dangj gij fwngz iq yaek bae vax fwedgaeq haenx, lij naeuz: “Gaej luenh doengh! Siujsim fwngz sou deng nad! Gaej gip, aeu ring cug cij ndaej, mboujnex gwn rox oksiq!”

Daih’ iek gvaq cib lai faen cung

ba, hoeng dou gamjdaengz lumj hwnj sam dangz goq baenz nanz. Lij dwg Fangh Ginghbinj ceiq linj, de swnh lauxsae mbouj haeujsim, caegcaeg vax aeu gaiq fwedgaeq he, doq oet haeuj bak bae gaet, bak de deng nad dwk aj bak ha ha. Vangz Swnhleij raen Fangh Ginghbinj gwn baenz rang, ndwnj myaiz oegoeg, nyaenx mbouj ndaej hix yaeb gaiq he. Gou hix mbouj fug saw, hix aeu gaiq he. Ciz lauxsae raen dou baenz gvij, riu mbouj ndaej daej mbouj dwg, naeuz: “Ndei lo ndei lo, gwn ba!” Ciz lauxsae baez hai bak, caezgya cungj ciengj gaiq he gaet hwnjdaeuj. Gou dawz bingz gojloz hung he, hemq naeuz: “Caezgya gaej cij guenj gwn, daeuj, dou bungq mbat cenj he!”

Ciep roengzdaeuj, Ciz lauxsae youh ring haeuxyangz, saejnoh, nohyuenz, daeuhfouh hawj dou, lij ring gij ndoksej gou gyaez haenx, dou gwn dwk biuhhoz biuhmingh!

Caezgya ciengj gwn ciengj gaet can he le, mwngz yawj gou gou yawj mwngz, mwngz vix gou gou vix mwngz, riu daengz dungxbyonj. Laxlawz gwnz naj dou caeux couh faen mbouj ok gyawz dwg ndaeng gyawz dwg bak lo. Hoeng mbouj miz saek boux guenj gijneix, lij dwg hai dungx gwn dwk, ndoet dwk, gangj dwk, riu dwk, angq daengz gijmaz cungj lumz lo, daengx aen danhaij cungj dwg gij sing riu dou.

(seiq nienzgaep Fungz Yoz-fangh)

Gou Caegcaeg Riu Lo

我偷偷地笑了



Mwngz vih swheij guh gvaq gij saeh haenx gag daekeiq caegcaeg riu gvaq lwi?

Ngoenzhaenx, daxboh daxmeh aenvih baenzlawz son gou siengifap mbouj doengz, mwngz coenz gou coenz youq ndaw rug doxceng hwnjdaeuj, bonjlaiz gou nyinhnaeuz songde cij mbouj gvaq dwg doxdingj geij coenz, mbouj sieng maz hozheiq, hoeng mbouj siengj daengz daxboh daxmeh yied ceng yied haenq, song boux cungj gig huj, coenzgangj yied daeuj yied bongh, gij feih ywcungq daj geh dourug roenx okdaeuj lo. Daxbuz gig damsims, diem din diem fwngz byaij daengz bakdou rug caeg dingq, fwngz siengj nyoengx dou youh mbouj gamj nyoengx, lawq le yaep he youh byaij dauq lo, youq ndaw dingdangz byaij bae byaij dauq, gou bonjlaiz dwg yawj sawcuenh, hoeng seizneix hix mbouj miz

simgei yawj lo, najbyak nyaeuq dwk, sim siengj songde baenzneix ceng roengzbae baenzlawz ndaej, veq gyaeuj yawjraen gij cenjcaz gwnz congz, miz banhfap lo, gou daek cenj raemxcaz he, nyoengx dourug dawz haeujbae, ndaw rug sawqmwh mbouj miz sing lo. Gou riuriu: “Meh, mwngz hozhawq loba, gwn di raemxcaz, mboujnex congghoz in.” Doq gangj doq ndenq cenj caz hawj daxmeh, sat le byaij okdaeuj. Mbouj geij nanz, songde youh ceng hwnjdaeuj, lij yied ceng yied haenq, vih bauj daengx ranz vunz huzndei anningz, gou youhcaiq nyoengx dou haeujbae yawj, cijraen daxboh ngeng youq gwnz mbonq, daihsing gangj dwk, lij fwngz hwnj ga hwnj, daxmeh najhaen dwk ndwn youq henz, seiz mbouj seiz rongx geij coenz, gij yiengh de gig mbouj fug. Gou soeng gaemz heiq he: “Lij ndei, mbouj doxmoeb!” Baez yawj gwnz daiz, cenj caz daxmeh byouq lo, gou dawz cenj okdaeuj, daek raemxcaz rim le, caiq dawz haeujbae ndenq hawj daxmeh, dauqma caiq daek cenj he, dawz haeujbae hawj daxboh, lij lumj gig cingqging nei naeuz: “Boh, gou naemj mwngz haengjdingh hix hozhawq lo!” Baez dingq coenz neix, daxboh daxmeh cungj nyaenx mbouj ndaej riu lo, miz di mbouj ndei eiqsei. Gou okdaeuj le gven dou hawj songde, hix caegcaeg riu lo, gou rox daxboh daxmeh mbouj miz saeh lo, baez riu geij iencaeuz lo!

Sam cenj raemx ndaep ndaej ciengz feiz he, mbouj loek ba, gij conhli gou caemh ndaej ciq hawj sou yungh, bauj mwngz baezlaeng hix caegcaeg riu.

(seiq nienzgaep Niuj Vwnhinh)

Bang Daxmeh Baet Ranz

帮妈妈扫地

Gou yawjraen daxmeh baet ranz. Yawj de baenzneix sinhoj dwgrengz, gou caen siengj bang de baet.

Ndigah gou naeuz: “Daxmeh, gou bang mwngz baet ba.” Daxmeh rubrub gyaeuj gou naeuz: “Baenz vei, baujboiq gou roxsoq lo.”

Ciep roengzdaeuj, dou itheij hainduj baet ranz, aenvih gou vunz iq rengz iq, mbouj baet geij mbat fwngz couh unq liux lo, gou caen siengj mbouj baet lo, hoeng siengj daengz daxmeh moix ngoenz baenzneix dwgrengz, gou itdingh aeu baet caez, baenz nanz cij baet baez he, mbouj naengz baet daengz byongh couh mbouj baet lo. Baet dwk baet dwk, ndaw ranz doeklaeng dauqdae seuqsak lo, di nyapnyaj cungj mboujmiz lo. Gou siengj: Genhci mbouj cuengq fwngz cij naengz guh ndaej baenz saeh.

Baet ranz sat le, gou caeuq daxmeh cungj naiq yaek dai. Daxmeh haenx-naeuz gou caen naengzganq!

Baez baet ranz neix doiq gou daeuj gangj caen mbouj yungzheih, yienz-naeuz gig naiq, hoeng ndaej bang daxmeh guh saeh ndawsim lij dwg angqfwdfwd.

(ngeih nienzgaep Maj Da-hah)

